

# 防疫快訊

我們深明大家高度關注2019冠狀病毒病，特別推出《防疫快訊》，為大家提供相關資訊。

## 假期不忘抗疫

雖然係一連四日復活節假期，我哋仍有很多同事緊守崗位抗疫。為支持前線同事工作，有機構送贈朱古力復活蛋俾部分醫院，感謝同事全力以赴抗疫，為大家打氣！小編喺度都祝大家復活節健康快樂！



如果大家有問題或意見，可以點擊這裡告訴我們！亦可以透過支援熱線或 WhatsApp 5275 7500 反映意見。



## PPE庫存量



以下係各項PPE喺中央同醫院倉庫嘅存量：

外科口罩



約 **2,500** 萬個

保護衣



約 **290** 萬件

↑  
10萬

全面罩



約 **370** 萬個

↑  
10萬

N95呼吸器



約 **210** 萬個

↑  
10萬

目前各項PPE供應，除N95呼吸器外，其餘相對穩定。以依家平均用量計算，各項PPE可使用約兩個月。不過，由於疫情全球大流行，影響PPE嘅運輸同物流供應，加上美國禁運N95呼吸器，未來供應仍非常唔明朗。希望同事喺未來嘅日子繼續謹慎使用PPE。總辦事處同事會盡力全球採購物資，支援前線抗疫。

其他查詢及支援熱線



# 防疫快訊

## 對確診同事的支援



給受感染同事嘅關懷包

人力資源部準備咗關懷包送畀不幸感染COVID-19同係政府指定檢疫中心接受檢疫嘅同事。關懷包有個人護理用品如毛巾、維他命C片、健康小食、手提電話數據卡等。

另外，為咗支援同事心理需要，心靈綠洲會為接受檢疫或受感染嘅同事提供心理支援包，內容包括疏導壓力同情緒嘅

資訊、備有心靈故事同宗教歌曲嘅mp3播放器、心靈小品書籍等，幫同事打打氣。此外，受感染同事嘅家人都會收到心理資訊。

主管可以通知人力資源部，安排為有需要嘅同事送上關懷包和心理支援包。如果同事治療期間有其他需要，亦可聯絡人力資源部提供協助。正在接受治療嘅同事要好好照顧身心，祝願大家早日康復！



心理支援包

## 你問我答

**我係抽血員，每當有需要時，部門會叫我哋去高風險區為病人抽血，咁我有冇得攞「緊急應變特別津貼」？**

**答** 若同事係部門因應特別運作模式需要而成立嘅指定小隊成員(如抽血員、物理治療師、放射師)，佢嘅職務編定有需要喺高風險區為病人提供服務，執行/支援高風險程序或工作最少兩星期，就可申請「緊急應變特別津貼」。指定小隊一般由少數特定成員組成，佢哋需按編定班次值勤。詳情可聯絡所屬聯網人力資源部查詢。

